

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Nunatsinni aalisagartassiissutit qalerallit saarullit saniatigooralugu aalisartartut pisassinneqarsinnaanerannik Naalakkersuisut pilersaaruteqarpat?**
- 2. Saniatigooralugu aalisartarnermi siusinnerusukkut tunitsiviit killilersuitinnagit tunisisoqalaartarnera periarfissiuunneqarsinnaanerannik Naalakkersuisut siunniussaqqarpat?**

(Karl-Kristian Kruse, Siumut)

Tungavilersuut:

Ukiuni kigullerni killilersuinerujussuup kingunerannik inuiaat kalaallit annertusiartuinnartumik avissaartuuppugut, tamannalu peqqinnangilaq, ilorraalli tugaanut sangutinneqarsinnaavoq Naalakkersuinikkut periarfissiilaarnikkut, tsaniatigooralugu aalisartartut immikkut pisassinneqarnerisigut.

Pisuussutit aalisarneqarneranni ilisimannittut aammalu qanoq aalisarneqarnissaannut perorsarneqarsimasorpassuit ullumikkut qalluigaluaaraagamik tunisilaarnissaminnut periarfissaqanngillat, isumaqarpungalu immikkut pisassinneqarsinnaappata annertuumik inuuniarnerannut iluaqutaassasoq.

Tamannalu imatut takorloorneqarsinnaavoq. Assersuut:

Qaleralinnik pisassiineq: Upernavik 75 tons, Uummannaq 75 tons, Qeqertarsuup tunua 75 tons, Kitaa Tunu Avanersuarlu 100 tons. Saarullinnik pisassiineq: Nunarput tamaat 500 tons.

Inummullu ataatsimut qummut killeqartinneqarlutik immaq 3 tons taakkumininnguilluunniimmi inuuniarnermut annertuupilussuarmik sunniuteqartussaapput iluaqutaallutillu.

Immikkullu eqqumaffigilluinnagassaalluni tunitsiviit killilersuitinnagit aattaat periarfissaq tamanna atorneqarsinnaalluni.

Apeqquteqaatimma ullut suliffiusut qulit iluanni akineqareersimanissaat kissaatigaara.